



ვიდეო 4: რეკომენდაციები მშობლებისთვის სკოლების გახსნამდე

სცენარის ტექსტი

სკოლაში დაბრუნებასთან დაკავშირებით ყველას სხვადასხვა გრძნობა აქვს. ზოგიერთი მშობელი და ბავშვი თავს ბედნიერად გრძნობს - სხვები ოდნავ ღელავენ. ეს ნორმალურია. მშვიდი და დადებითი დამოკიდებულებით თქვენს ბავშვს ადაპტირებასა და დამკვიდრებაში დაეხმარებით. შეახსენეთ მათ, რომ სხვებისთვის აზრებისა და გრძნობების გაზიარება მათთვის კარგი იქნება.

გააფრთხილეთ, რომ თუ რამე აწუხებთ, მათ ყოველთვის ვილაცა დაეხმარება.

ასევე მნიშვნელოვანია გაახსენოთ მათ სკოლაში დაბრუნებასთან დაკავშირებული დადებითი მომენტები, როგორცაა მეგობრებთან შეხვედრა, ყოველდღიური რეჟიმი და სკოლის საქმიანობაში ჩართვა.

ჯანსაღი რეჟიმი ხელს შეუწყობს თქვენი ბავშვის ადაპტირებასა და სკოლაში დაბრუნებას. მოუწოდეთ მათ, იკვებონ ჯანსაღად, იურთიერთონ მეგობრებთან და კარგად იძინონ.

ბევრი რამ გაკეთდა ჩვენი სკოლების უსაფრთხო და მდგრადი ფუნქციონირებისთვის.



Covid-19-თან ბრძოლაში უზარმაზარ პროგრესს მივაღწიეთ. საზოგადოების დიდი ნაწილი კვლავ გაიხსნა და ბევრი რამ, რის გაკეთებაც ყველას მოგვწონდა ან რაზეც დამოკიდებული ვიყავით, კვლავ შესაძლებელი გახდა.

საზოგადოებრივი ჯანდაცვის ორგანოებმა გულდასმით განიხილეს ის ზომები, რომლის მიღება საჭირო იქნება სკოლებში საყოველთაო უსაფრთხოების უზრუნველსაყოფად.

ისინი დარწმუნებულები არიან, რომ თუ ყველა გულდასმით დაიცავს სკოლებში შემოღებულ წესებს, ვირუსისგან თავის დაცვას უკეთესად შევძლებთ.

ჩვენ მოვუწოდებთ თითოეულ სტუდენტს და თანამშრომელს, რომ გაითვალისწინოს ეს წესები იმისათვის, რომ ყველა იყოს უსაფრთხო გარემოში. ამის შესახებ სკოლები შეახსენებენ მოსწავლეებს მათი ასაკისთვის შესაფერისი ვიდეო რგოლების და სხვა ინსტრუმენტების გამოყენებით.

უპირველეს ყოვლისა, ძალიან მნიშვნელოვანია, რომ ნებისმიერი ადამიანი, რომელსაც აღენიშნება კოვიდ-19-ის სიმპტომები, მათ შორის სიცხე, ხველა, სუნთქვის უკმარისობა ან გაძნელება, ყნოსვის ან გემოს დაკარგვა ან შეცვლა, არ უნდა იაროს სკოლაში. გთხოვთ, დაიცვათ HSE-ს სახელმძღვანელო მითითებები თვითიზოლაციასთან დაკავშირებით და დაუკავშირდეთ თქვენს ექიმს ტელეფონით. დარწმუნდით, რომ ბავშვებმა იციან, რომ შეუძლოდ გახდომის შემთხვევაში მათ უშუალოდ თავის მასწავლებელს უნდა მიმართონ.

ხელის კარგად დაბანის პრაქტიკა და ჰიგიენა ყველა მოსწავლისთვის მნიშვნელოვანია. დარწმუნდით, რომ თქვენმა ბავშვმა იცის, რომ ხველების და ცემინების დროს უნდა გამოიყენოს ხელსახოცი, ან რომ უნდა დაახველოს ან დააცემინოს მოხრილ იდაყვში.

დაწყებითი და საშუალო სკოლის მაღალ კლასებში ფიზიკური დისტანცირების



წესების დაცვა ყველასთვის აუცილებელია.

დაწყებით სკოლაში პატარა ბავშვებს არ სთხოვონ ფიზიკური დისტანციის დაცვას, მაგრამ კლასის შიგნით შეიძლება მოხდეს მათი დაყოფა ცალკე ჯგუფებად.

სკოლაში ბავშვების მოყვანის და სკოლიდან წამოყვანის დრო შეიძლება იყოს საკმაოდ დატვირთული. გთხოვთ, უზრუნველყოთ ფიზიკური დისტანციის დაცვა სკოლის სახელმძღვანელო მითითებების შესაბამისად. ეს შეიძლება იყოს რთული, მაგრამ მნიშვნელოვანია, რომ გაკვეთილების დაწყებამდე და მათი დასრულების შემდეგ მშობლები არ შეიკრიბონ სკოლის კარებთან ერთმანეთთან ურთიერთობის მიზნით. სკოლა ღია დარჩება, თუ თქვენ დაიცავთ ფიზიკურ დისტანციას, ატარებთ პირბადეს და არ გაჩერდებით სკოლაში.

სკოლის ყველა თანამშრომელმა და საშუალო სკოლის მოსწავლეებმა უნდა ატარონ პირბადე.

კარგი იქნება, თუ ბავშვი სკოლაში ფეხით ან ველოსიპედით ივლის, თუკი ეს შესაძლებელი და უსაფრთხოა.

მოსწავლეებს მიენიჭებათ ნომერი სკოლის ავტობუსში და საშუალო სკოლის მოსწავლეებმა უნდა ატარონ პირბადე ავტობუსის ლოდინის და ავტობუსში ყოფნის დროს.

სკოლის თანამშრომლები უშუალოდ ოჯახის წევრებს დაუკავშირდებიან სკოლაში არსებული წესების შეხსენების მიზნით. სახლში ერთად ისაუბრეთ იმაზე, თუ რა არის მოსალოდნელი სკოლაში დაბრუნების დროს.



An Roinn Oideachais
Department of Education

მასწავლებლებს ესმით, რომ დისტანციურმა სწავლებამ გარკვეული ზეგავლენა იქონია მოსწავლეთა სწავლის ხარისხზე და ამიტომ მოსწავლეებთან ერთად შეეცდებიან ნებისმიერი ცუდი შედეგის აღმოფხვრას.

გახსოვდეთ, რომ ყველამ ჩვენი წვლილი უნდა შევიტანოთ იმაში, რომ ბავშვები სკოლებში უსაფრთხოდ იარონ. მნიშვნელოვანია, რომ დაიცვათ საზოგადოებრივი ჯანდაცვის რეკომენდაციები სკოლაში უსაფრთხო გარემოს შესანარჩუნებლად.

უფრო მეტი ინფორმაციისთვის, იხილეთ gov.ie/backtoschool